

Jeritan selamatkan penghuni

Kebakaran awal pagi musnahkan rumah didiami

NURUL FIRDAUS KHAIRI

KUALA LANGAT

Jeritan seorang warga emas berjaya menyelamatkan isteri, anak dan tiga cucunya daripada rentung dalam kejadian kebakaran yang berlaku di rumahnya kelmarin.

Dalam kejadian kira-kira jam 4.30 pagi di Kampung Orang Asli Sungai Bumbun, Pulau Carey itu, mangsa, Siran Awas, 62, menjerit api beberapa kali sebelum bersama anak lelakinya mendukung tiga orang cucunya keluar rumah menyelamatkan diri.

Siran berkata, ketika kejadian api merebak dengan pantas dan dia hanya sempat menyelamatkan kad pengenalan miliknya selepas mengarahkan semua ahli keluarga menyelamatkan diri.

"Masa tu pakcik hanya dengar bunyi seakan-akan bunyi bergema yang sangat kuat tetapi bukan letupan gas."

"Isteri pakcik kelimabut meninggalkan rumah dan



Sulaiman ketika hadir meninjau keadaan rumah Uteh dan Siran yang terbakar.



Api yang marak membakar keseluruhan rumah.

berlari tanpa hala tuju, pakcik yang ketika itu bimbang sempat jerit suruh dia lari ke jalan besar," katanya sempat menceritakan detik cemas berdepan dengan kebakaran.

Menurutnya, akibat kebakaran itu keluarganya hilang tempat tinggal dan terpaksa balai raya berhampiran.

Bencana itu turut mengakibatkan kecederaan ringan kepada anak lelakinya, Azami Siran, 34, yang mengalami kecederaan di bahagian tangan dan lututnya akibat terkena percikan api.

Azami berkata, beliau cedera selepas cuba masuk ke rumah untuk menyelamatkan wang tunai sebanyak RM 900 yang sepatutnya digunakan untuk bayaran angsuran motosikalnya.

Bagaimanapun katanya, dia tidak berjaya disebabkan

api marak dengan cepat namun dia sempat menarik motosikalnya jauh dari api walaupun tidak sempat menyelamatkan kunci motosikal yang turut terbakar.

"Saya bersyukur ahli keluarga selamat dan tiada kecederaan serius dialami oleh ahli keluarga yang lain," katanya.

Jakoa peruntukan bina rumah baharu

Sementara itu, Pengarah Jabatan Kemajuan Orang Asli (Jakoa) Negeri Selangor, Norliza berkata, pembinaan rumah baharu bakal diusahakan bagi memberi keselesaan kepada keluarga mangsa.

Menurutnya, beliau sendiri berhubung dengan Jakoa dan mereka sudah bersetuju membina rumah baharu untuk keluarga Siran tetapi pegawai Jakoa Kuala Langat



UTEH

perlu menghantar laporan secepat mungkin supaya dapat diproses dengan segera.

"Kita akan pastikan bantuan rumah dapat disalurkan memandangkan keluarga ini tinggal sehelai sepinggang."

"Keluarga itu berjaya dipujuk untuk tinggal di balai raya sementara waktu ber-

banding kemahuan mangsa untuk berteduh di kawasan bersebelahan rumahnya yang terbakar," katanya yang turut hadir menyalurkan bantuan makanan kepada keluarga mangsa, semalam.

Dalam padai itu, Pengerusi Pembangunan Persekutuan Parlimen Kuala Langat, Datuk Sulaiman Mohd Karli turut hadir menyampaikan bantuan termasuk mengarahkan pimpinan kawasan untuk memenuhi keperluan mangsa memandangkan segala kelengkapan rumah musnah.

Beliau turut memanjatkan masalah mangsa kepada beberapa pihak berkaitan untuk menyegerakan bantuan rumah supaya dapat diluluskan segera.

Selain itu beberapa agensi turut hadir menyalurkan

info Keluarga itu berjaya dipujuk untuk tinggal di balai raya sementara waktu berbanding berteduh di kawasan bersebelahan rumahnya yang terbakar

sumbangan termasuk mendapatkan dokumen untuk proses bantuan bencana daerah.

Sementara itu, Penolong Pegawai Bomba dan Penyelamat Telok Panglima Garang, Mohd Hafizie Hassan berkata, pihaknya menerima maklumat mengenai kejadian kira-kira jam 5.29 pagi dan sebaik tiba 90 peratus daripada rumah yang terabit sudah musnah.



Keadaan rumah Siran yang musnah dalam kejadian kebakaran awal pagi kelmarin.



Sulaiman mendengar luhuan Siran.